

Kithimi ye **Kuchouno** **Thiveakeshea?**



*Akumzapu Kuchougo
Kiphi Kichekutsu*

10



Ishi timi kutomono akithi (death) ghili vethamlave momu vetha pimivekeu huno akhoto kiphi (lesson) lakhi shi ani. Ninguno akithi hipau pesu ighono tuqhou momu ithikutho (mystery) lakhi shive puzu kumsuilo tomlaveno khanilo ye lajupu kuhavekeu lo ilove cheni. Hamino pano lokemi thive aye pa momu li ye kuchouno thimphi ikemu aqha kutau lo xu anike ipi pulu cheni. Kutomono aphimpi (body) aghungu (spirit) eno akuxu momu atuthu (soul) ghili ithikubangukeu acheni. Nono kiu pulu anikeno tiye kuchouno akupulu keshea? Iye, tiye kuchouno akupuLuk. Nono ishi akithi ghili kiu pulu anikeno tipauno ighinikeu lo noye kiu shivenanikeno pitsu anike. Tilehi aqha kutau ajeli kutau kutomo lono akithi ghili phuju akepu vehu kiumu kuha. Akiphi kichekutsu hipau lono Alhou no akithi ghili atho eno kuchou kutsupiyetsu anike, no ghi onhethi xukhono tsaqui phijulo.

1

Hile timi ye atighi lo kiu ithuluepikaa?

“Ampeu Alhou no ayeghi mukhu pesu timi kughu, eno pa nigilo akuxupu tuthu shesutsu; eno timi ye akuxu ku-a lhoux lakhi shive.” (Bothubo 2:7).

Khokichile: Abothu lono Alhou no ayeghi mukhu pesu ningu kughuphe.



Abothu lono
Alhou no
Adam lhosu.

2

Timi lakhino thivekelo paye kiu shive cheniepi kea?

“Eno ayeghimukhu ye thosu lo toi ayeghi shivenani, eno atuthu (spirit) ye Khiuno tsukeno Pa (Alhou) lau idewove cheni” (Yetsapiu 12:7).


Khokichile: Aphimpi ye itaghi amukhu shivenani, eno atuthu (spirit) ye Khiuno tsukeno Pa (Alhou) lau idewovenani. Xalukepu shi aghiepinama xalumokepu shi aghiepinamu thivekemi kumtsu tuthu ye Alhou lau idewove cheni.

3

Thivekelo atuthu (spirit) ye Alhou lau idewove cheni ipikeu kigi ye kiu kea?

“Aphimpi aghungu sumaye akithie” ipi. (Jems 2:26). “Alhou ghungu (spirit) ye l nigi lo anie” ipi. (Job 27:3 KJV).

Khokichile: atuthu (spirit) khikhi thivekelo Alhou lau idewove cheni ipi akeuye akuxupu tuthu ke. Alhou kaku kiulomu aghungu (spirit) ye xu ani ipikeu kuha. Timi no thiveke thi aghungu (spirit) ye xu ani, alokutsu ani momu akukumusu ani ipikeuye Alhou tsa lo kuha. Tighenguno hi spirit, khikhi atuthu ipi akeu ye aghungu kumo puzu Alhou kuxupu tuthu timi nigi lo shesutsu momu fusutsukeu hu kethono kutau kiumo kumoke.



Xalukepu shi
aghiepinama
xamlave kepushi
aghiepinama
thivekemi kumtsu
tuthu Alhou lau
idewove cheni eno
aphimpi ye ayeghi
mukhu lo ide ilove
cheni

4

Tishiaye soul ipi akeuye kiu kea?

“Ampeu Alhou no ayeghi mukhu pesu timi kughu eno pa nigi lo akuxupu tuthu shesutsu eno timi ye akuxu ku-a lhoux lakhi shive” (Bothubo 2:7 KJV).

Khokichile: “Soul” ipi akeu ye lhoux lakhi ipi akeu ke. “Soul” ipi akeulo tile thime kini kuqhape ani: aphimpi ngo atuthu kuma. Aphimpi ngo atuthu kuma kuqhama kelo “soul” akuxu ku-a lhoux ipeghimonani. Alhou tsa lono ningu kutsupiyi akeuno ningu ye akuxu ku-a lhoux lakhi kethono ningu ye aghungu ani ipike kumoke.

Timi hipano bidi ye akuxu ku-a lhoux bidike.



5

Soul ye thivenani keshea?

“Akuxu ku-a lhoxu khikhi axine shivekeno tiye thive nani” (Ezekel 18:20 KJV). “Azughi lo akuxu ku-a lhoxuqo kumtsu thive” (Piyekusu 16:3 KJV).

Khokichile: Alhou tsa kiqu lo akuxu ku-a lhoxuqo kumtsu thive nani. Ningu ye akuxu ku-a lhoxuke, eno akuxu ku-a lhoxu ye thive cheni. Timi ye thiveni kuauke (Job 4:17) Alhou likhino thivechemokeu ke (1 Timothy 6:15, 16). Akuxu ku-a lhoxu lakhi ye khilemu thive chemoke ipikeu ye Baibel lo ithumla, akuxu ku-a lhoxu lakhi ye thivenikeu qholo ani ipikeu likhi ithuluani.


6

Xaluvekemi ye thivekemtsa kungugha lo wuwe chenikeshea?

“Akumoki lo akemiqo kumtsuno Pa sutsa chiluno ithughive nani” (Johan 5:28, 29).

David ... ye thive eno shiqhove, eno pa kithi sukumo ye ishi kutolo ni gholo aphi, ... kughengu David ye kungugha lo ikumphike” (Apostolmi 2:29, 34). “Ino khe akeuye I ki I kumoki khe anike” (Job 17:13 KJV).

Khokichile: Moe. Timi ye thivekemtsa kungugha lomu wuwe chemo momu amiyizu lomu ilove chemoe, ikemu panongu ye akumoki lono xuchilekulu tsala khe achenike.



(Ayeghi mukhu)
pesu mlapuakeu
aphimipi (body)
lono atuthu (spirit)
ikhiluve aye akithi,
tile akuxu ku-a
lhoxu hu kuhavea.



Baibel no pi akeuno akukau David ye Alhou kukaqha lo ngonani, ikemu paye itehi kutolo akumoki lono xuchilekulu tsala khe ani.

7

Timi ye thiveke thiu kiu ithi eno ithulunanikea?

“Kuxumiyo ye panonguye thivenani ipi ithi ani, ikemu kithimiyoqe kiumu ithichemo, panongu ghengu ye kiu saxumu kuhavea. Kughengu panongu mulokite hu kuhavea. Panongu kimiye chekemi momu mithi chekemi, eno panongu lahkiminego kumtsu qhoi puhavea. Panonguno khetsunhe qholo kiu mla chekeno tipaqo kiumu kusajemovea ... Akumoki khile nono wuchenikeno tilehi kiu kumlamu kuha, pughukiphe, akighithi, momu alokutsu kiumu kuha” (Yetsapiu 9:5, 6, 10). “Kithimi ye Ampeu shechemo” (Leshele 115:17).

Khokichile: Alhou no pi akeuno kithimiye qeti kiumu ithichemo!

8

Ikemu kithimi ye kuxumi sasusutsalunani eno kuxumiyo ghenguno kumsukimighei chenike kumokeshea?

“Timi ye thiveke thiuye khilemu ida ithughi chemo, kungughaqo kuhavemoke kutolo panonguye ithughimonani, momu panongu kuzu lono idamonani ... pa nunuqono pa gihunike ighikeumu ithichemo, panongu ye aqhou akuchuniu shiveakeu ghilimu ithichemo” (Job 14:12, 21). “Panonguno khetsunhe qolo kiu mlachekeno tipaqo kiumu kusajemonani” (Yetsapiu 9:6).

Khokichile: Moe. Kithimiye khilemu kuxumi sasusutsa mla, momu kuxumino kiu shi anikeno tihimu ithichemo. Panongu ye thivae. Panongu kukumusku kiumu kuhavae” (Leshele 146:4 KJV).



Million kutomono hipauye shikulupu anie ipi kumsunani, ikemu kithimi ye kuxumi sasusutsa mlae.



9

Jisu no kithimi ye akukumsu kuhavea, panongu ye “zu” akeu thoke ipi Johan 11:11-14 Panonguye ado khitohi kutolo zuananikea?

“Timi ye thiveke thiuye ithughi chemo. Kungughaqo kuhavemoke kutolo” (Job 14:12) “Ampeu tsala hu ighinani ... eno tile kungughaqo hu kuhavenani” (2 Pitor 3:10)

Khokichile: “Kithimi ye ayeghi kishekhawe nikelo Ampeu tsala akijeu ighimoke kutolo zu anani. Thiveke thiuye timi ye kiu kukumusumu kuhavenani, kiu kumlamu kuhavenani, kiu kighithimu kuhavenani.



10

Khristo no akiniu ighikelo amikuchomi kithimiyo ye kishinanikea?

“Julo, Niye pai ighinani, I saxu ye Ino I gholono pesu ighinani eno pututa kumla kiqi lono tsunani” (Piyekusu 22:12). “Ampeu ye Pakutoshi ashekushu sutsa lono kungugha lono iqighinani ... tile Khristo lono thi akemiyo xuchile ithughinani ... eno ningu ye alhokuthu Pa gholo acheuvenani”

(1 Thesaloniami 4:16, 17). “Ningu kumtsu kilive nani- thukishedo lakhi lono, anhekutsukhavi lono ... eno kithimiyo ye shipusave kumlapu lo ithughive nani ... Kughengu hi puhavekulupu hu puhavekumlapu pepuluvani, eno hi thivechekeu hu thivechemokeu pepuluvani” (1 Korinthiami 15:51-53).

Khokichile: Asaxu pesu panongu tsunani. Panongu xuputhuve nani, thivechemokeu phimpi tsuvenani, eno amulhu lono Ampeu saxu kushonike saxu ikuvenani. Tsutsala panonguno thivekemtsa kungugha lo ikuve cheghiaye tile xuchilekulu avehu kuhanani.



11

Tughami (devil) ye ayeghi lo pishikiqhi tsa atughiu kiu pikea?

“Apighi no totimi vilo, ‘noye kuchouno thimonani” (Bothubo 3:4). “Aqau lo apighi, devil eno Satan ipi kuche” (Piyekusu 12:9)

Khokichile: Noye thimonani.

**12**

Tughami (devil) ye kushiye akithi ghili pesu Eve pishiqhikea? Eno akiphi hipau ye ningu genguno akhoto keshea?

Khokichile: Tughamino mikiveke ye ningu ye khilemu thimonani ipikeu huno pa kukutsu khetsukucho shinike ghengunoke. Paye akuka kije lono ampe qhethonhe kutomo akumla hipau shi ighivea. Akimiki lono akumzapu kumlaqo shieno timiqo pishiqhiluve, eno atsape hipauye kithimi ghunguqo launo ighi anike ipi.

(Kichekipiye: **Egypt lo zadumiqo- Ipekulu 7:11; Endor lo axasheliu- 1 Samuel 28:3-25; Tumumiqo- Danel 2:2; Aqe liu lakhi- Apostolmi 16:16-18**)

Akhoto kutughukutsu lakhi

Ighinikeu lo Satan ye itaghi atumkumla (sorcery) suighinani-pano atumkumla hipau Danel tungkupuu ghulokilo ghi shi- eno ayeghiqha pishiqhive (**Piyekusu 18:23**). Pishikiqhi kumla hipauye thosulo shichemokeu kumla akiqheu lakhi shinani, eno pa kuka, pa lokutsu hipau ye kithimi ghunguqo launo ithuluke ipinani.

Panongu ye kichileu khopemiqokemu,

pishikiqhi kumla shichememiyo kemu, panongu kutoshi panongu ye Khristo khopemiqoke ipi ighinani (**2 Korinthiami 11:13**). Satan eno pa ghinimiqono timi billion pishiqhivenani. Kithimi ghungu ye xu anike ipi puluchekemiyo lau kiu kiu ghola lonomu ighieno panongu pishiqhiluvenani.

13

Tughami (devil) qoye kuchouno akumzapu kumlaqo shilunani keshea?

“Kughengu panongu ye Satan ghunguqo ke, akumzapu kumlaqo shinani (Piyekusu 16:14 KJV). Kichileu Khristoqo, kichileu tungkupuoqo ipeghinani eno amichipu eno akumzapu kumla kije shinani eno pishiqhiluve nani, tsutsala tolukeye kishekiphemu kutolo pishiqhive nani (Mathi 24:24).

Khokichile: Iye kuchouno Satan ye akichiqhikepu kumla shinani (Piyekusu 13:13, 14) Satan no akuvu lo ghinimi kungumi lakhi toi pephe ipeghinani (2 Korinthiami 11:14) eno ighono akichiqhikepu shi, Khristo toi (Mathi 24:23,24). Khristo no eno Pawu kungumiqono ayeghi lo xukikithe suighitsu anikepi ayeghiqha no kumsunani. Hitoi aghungu lo kumlake ipi puzu thosulo shichemokeu kumla akichiqhi kepu shi ipeghinani, tishi aghiepinamu Alhou timiqo ye lakhimu pishiqhilumonani.

Akichiqhikepi kumla mlalu akeu kumtsu Alhou launo ighikeu kumoke, kughengu Satan ghi amichipu kumla mlalunanike.

14

Kiu ghenguno Alhou timiqo ye pishiqhilupe chemokea?

**“Panongu ye ighono kutokughoikeu lono Alhou tsa ikhiluvea, eno thime hi shi ipeghi akeu ye kuchoukeo mokeno ithinike ghenguno tsala pekighi lo Kuchoyehsu lo phuju acheni” (Apostolmi 17:11).
“Tsutsala panonguno hipau tsa kiqi lono picheghimo aye panongu lau akuvu kuhake” (Isaya 8:20).**

Khokichile: Alhou timiqo ye Pawu kaku lono kithimiqo ye thiveake thono xuamoe ipi phulu ani, eno aghungu (spirit) khikhi thivekemi alokemike ipi ighi akeuye tughamike ipi ithi anike ghenguno tughamiye panongu pishiqhi mlake. Akukutsumiqo no panongu ye akuvu pakutakeu pe anike ipieno amichipu akichiqhikepu mlalu aghiepinamu Alhou timiqo ye tipau pulutsumomani. Panonguno kithimi ghungu ye xu anike ipi puzu kiu kiu ghola lono shi ipeghi aghiepinamu Alhou timiqo ye tipaqo tuchilevenani. Khile khilemu kugho kughoumo titoikeu pulumo nani eno ikhilumo nani.



15

Muse ghulokilo kithimi ye thimono xu anike ipi kutsukelo Alhou ye kiutoikeu zah tsukea?

“Timi momu totimi khiuno axashemi (medium) lakhi shieno kimihikeu ghunguqo sasu kusutsa cheghinikeno tipaqoye kuchouno pithivelo, atu pesu timi titoikemiqo veqhi pithivelo” (Achine 20:27).

Khokichile: Alhou no akumtoshi lakha akeuye axashemi momu kithimi sasu kusutsa aghikeu ye atu pesu veqhi pithivenkeu zah tsupuanu. Kithimi ye xu ani ipikeu kukutsu ye Alhou no pulomo, kughengu tiye Alhou launo ighikeu kukutsu kumoke.





16

Xuchilekulu tsala lo amikuchomi xu ithughikemiqo ye itaghi thive nanikeshea?

“Khiunoqo no tipau tiqheli lo akuzupushi aghi puzu xuchilekulu lo ithughiveakeno ... panongu ye akithi akiniu lo thimonani” (Luk 20:35, 36). Alhou no panongu nhethi lono panongu nhezu isuvetsunani; tilehi akithi kuhavenani, amulo ghime, kuqakumulo kuhavenani, tilehi kushukuqha kuhave nani, kughengu aqau thimeqo kumtsu wokhaveake” (Piyekusu 21:4).

Khokichile: Moe. Akithi, amuloghime, akuqa akumulo, angukusa eno ahakusaqo ye khilemu Alhou kukaqha akitheu lo iloghimonani. Kughou shipusavekulupu huno shipusamlakeu pepuluveni keno , eno hi thive chekeu huno thivechemokeu pepuluveni keno tile tokulu huno akithi munovenani” ipi yehpuakeu eno kughachekeu hu shikupuve nani” (1 Korinthiami 15:54).



17

Ilho-nodiu shivekeu (reincarnation) ipikeu kupulu huno ishiye balha shiveake hu tipau ye Baibel lono tishi kutsukeu anikeshea?

“Kuxumi ye panoye thivenani ipi ithi ani, ikemu kithimi ye kiumu ithichemo ... panonguno khetsunhe qholo mlachekeu saje kiumu kusajemonani” (Yetsapiu 9:5, 6).

Khokichile: Ayeghi lo timi saje akuthuu ye ilho-nodiu shivekeu (reincarnation) pulucheni, aphimpi kutau lo punusuvekeu ipi kutsu cheni. Ikemu hitoikeu kukutsuye Baibel lo kuha.



Baibel no pikeuno

Timi ye thive aye ayeghi mukhu ilo ide ilove cheni. (**Leshele 104:29**). Kiumu mthavenani (**Yetsapiu 9:5**). Pano qho lo kukumusugo hu kuhave nani (**Leshele 146:4**) Ayeghi shou kiu mlachekeno tipaqo ghili kiumu ithimovenani (**Yetsapiu 9:6**) Xuamovea, momu akuxu kuhavea (**2 Kukami 20:1**) Akumoki lo pesupe qhivea (**Johan 17:13 KJV**). Ithamovea (**Job 14:1, 2**).

Satan no iqiphekeu

Kithimi ye xu ani ipikeu kukutsu ye Satan no iqiphekeuke. ilho momu nodiu shiuve ipikeu, aghunguqo sasusakeu, aghungu mllakeu, eno aghungu ye thichemo ipi kughakichetsa shikeu hikumtsu Satan no iqiphnekeuke. Pa kimiji ye timiqo ghozuluveno pishiqhiluvenikeu kimiji ke. Kughou timi lakhi thivenikeno kuxumiqo pelo paye kuchouno thiamoke ipi puluve chenipe. Eno kughou timiqono kithimi ye xu anike ipi ithivenikeno Satan no pa ghinimiqo pelo akichiqhikepu kumla shithuve chenipe (**Piyekusu 16:14 KJV**) Akuka kije lono timiqo pishiqhiluve puzu sakughuzu sasuwuveni (**Mathi 24:24**).

18

Hi kithimi ghili Baibel lo aghiyeu philuno vethalukeu ghenguno shikimithikeu tsukuzupuke kumokeshea?

Nono khochilenikeu:



Nono Iniju Keu Khochiletsu Ani

1. Akupukau ye pano thive kemtsa Khristo gholono Paradise lo wuvekeshea?

Khokichile: Kumoe. Kuchouno pinikeu ye, Sunday inaqhe Jisu no Mary vilo, "Niye I Puh lau ikumphike" ipi (**Johan 20:17**). Hipau lono Piyekusu akeuye, Jisu ye thivekemtsa kungugha lo ikuke kumo. Ninguno atsa dolo chosukeu (punctuation) comma, fullstop qo ghili ithikepu avehu akhotoshi ani. Ninguno Baibel abolho lo jukelo hipau yehkeuye tiqheli kutomo thi u Kuchoyehsu pebidekemi (translators) qono supimi puaghikeu phulu ani. **Luk 23:43 lo** Jisu no akupukau vilo lno ovi lo kuchou pini, noye ishino l gholo Paradise lo ngoni ipi puakeu lo chokusu comma supimivekeu lono akiqi kumovekeu ipeghive ani. Abolho lo pi eno yehpuakeu kiqu loye Jisu no akupukau vilo, "lno ishino ovilo pini, noye l gholo Paradise lo ngonani" ipikeuke. Ampeu Jisu ghi akupukau pama akipimi kumla kishimi lakhi shi cross lo yedapanike , ikemu Ampeu Jisu no akupukau vilo, "lno ishino ovilo kuchou pini, noye l gholo Paradise lo ngonani" ipike. Khristo jukuvu kukaqha ye Pano akiniu ide ighiveke thiuno huthuni aplhi (**Mathi 25:31**) Tiqheli kumtsu lo amikuchomiyo kumtsu tilauno akukaqha tipau lo iloni aphi (**1 Thesaloniami 4:15-17**) kethono thive kemtsa tile ilonichemoke.

2. Baibel lo thivechemokeu (immortal) ghungu ghili pipuanike kumoke shea?

Khokichile: Moe. Thivechemokeu ghungu ghili Baibel khilehimu pipuamo. Baibel lo thivechemokeu ipi yehpuakeu lakhi likhi tsupani, eno "tiye Alhou ghili pikeuke" (**1 Timothi 1:17**).

3. Timi no thivekelo aphimpi ye ayeghi mukhu shive cheni, eno atuthu (spirit) ye Alhou lau wuvecheni ipi. Ikemu aghungu (soul) ye khilau wuve chenikea?

Khokichile: Hi soul ipi akeu ye khilaumu wuchemoe. Hipauye qeti kuhave cheni. Kunguu pivekeu toi thime kini kuqha puzu hi soul ipikeu kughulho puani. Tiye aphimpi ngo atuthu kuma kuqha puzu akuxu (soul) kughulho puani. Kughou aphimpi lo atuthu kuhavenikeno aphimpi likhi ye xumla. Tipau ye ayeghi mukhuke ghenguno ayeghi mukhu shivenani. Akiqi tsa, nono akulu pinheve aye akuvu tipau ye khilau wuve chenikea? Khilaumu wuchemoe, kuhave chenie. Titoi (soul) ipi akeu ghike. Lhoxu lakhi lau akuxu akeu pesu soul ipi anike. Mika-vu (electricity) ngo balp kuma kuqha kelono akuvu ipeghi cheni. Hikuma kuqhamo kelo ye akuvu ghi kuha. Titoi aphimpi ngo atuthu kuma kuqhamokeloye akuxu-lhoxu (soul) ghi kuha. Tile "aphimpi kuhakeu ghungu" ipikeuye kuhae.

4. Soul ipi akeuye akuxu ku-a lhoxu nguno alau akiqi kutaughi anikeshea?

Khokichile: Iye. Akiqi kutau ghi ani. (1)Tipau pesu akuxu (life) ipicheni. (2) akukumusu (mind) momu alokutsu (intellect) ipi ghi picheni. Kutau kiu kiu ghi pi aghie talo, ikemu akiqi kuchou thime kini aphimpi ngo atuthu kuma kuqhakeu pesu akuxu (life momu soul) ipi kucheneni. Eno tipau ye timi no thive kemtsa kuhave cheni.

5. Johan 11:26 lo, "Khiuno xu ake lono l pulunikeno pa ye thimonani" ipi puakeu ghili noye hepho l Piyekusulunanima?

Khokichile: Hipau ye akithi atighiu ghili piamoe. Akithi atighiu loye kumtsu thivenani (**Ibrimi 9:27**), ikemu akithi akiniu loye ayikusamiyo likhino thivenani. Tithiuye panonguye xuchile ithughimo nani (**Piyekusu 2:11; 21:8**).



6. Mathi 10:28 lo, aphimpi ghiqhavenikeu ye msakevilo, ikemu aghungu (soul) ghiqhavenikeu msalo” tipau kiquye aghungu (soul) ye thivechemoke kumokeshea?

Khokichile: Kumoe. Tiye bidelau phuphetsu anie. Hipau lo atsajo ashekhu lo pi akeuno, “Khiuno aghungu eno aphimpi” (soul and body) amiyizu lono puhavekulupu anikeno Pa msalo” ipi ani. Tiye aghungu (soul) ghi aphimpi toi puhavenikei pi anike. Hile (soul) ipi akeuye akuxu (life) ipi anikethono kutau thime kiuana pi amoke. Eno akuxu tipau ye lhokta kuxupu, Ampeu no aghokutsu lakhi shi pesu tsukeuke (**Rommi 6:23**). Eno akuxupu tipauye ashekha tsala lono pesu amikuchomiqo tsunani (**Johan 6:54**) Alhou no lhokta kuxupu pesu amikuchomiqo tsukeuye khiunomu panongu launo ikhisuuvetsu mlanani (**Luk 12:4, 5, loghi julo**)


7. 1 Pitor 4:6 lo, atsakiviu (gospel) pesu kithimiqo laughi kutsukeu tsupuanike kumokeshea?

Khokichile: Kumoe. Hi pi akeuye atsakiviu (gospel) pesu axine lono thiveniaye akemi kutsulo ipikeuke. Timi ye thiveni kuaue, ikemu panonguno xu aphi lono atsakiviu pesu panongu kutsuno akuxupu lo ighilupelo ipikeu ke.

Hilehi okukumsu eno inijuakeu pitsulou



01



02



03



04



05



06



07



08



09



10



11



12



13



14

Akhiphi hipau ghi akhiphi kichekutsu 14 gholo kakhi ke.

Akhiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akhiphiqo gholo lakhimu vezuvekeu shikevilo.

Akhiphi kichekutsu 01: Tile nono pulubeLukepu kiuana qhiveakeshea?

Akhiphi kichekutsu 02: Alhou ye Tughami Ihosukeshea?

Akhiphi kichekutsu 03: Akithi laono xapheluve

Akhiphi kichekutsu 04: Tsutsu yeghiqha dolo Aphughi kije

Akhiphi kichekutsu 05: Alokivi kulakupu tsapi

Akhiphi kichekutsu 06: Atulaphaqo shou yehpukutsu

Akhiphi kichekutsu 07: Xu-lhe lo atsala lakhi puhavekeu

Akhiphi kichekutsu 08: Qhoi xapheluve -Jisu Khristo ideighini keu

Akhiphi kichekutsu 09: Akutsughu eno Akuka

Akhiphi kichekutsu 10: Kithimi ye kuchouno thiveakeshea?

Akhiphi kichekutsu 11: Amiyizu ye Tughami pichepuani keshea?

Akhiphi kichekutsu 12: Alokughuno mpe 1,000

Akhiphi kichekutsu 13: Alhou no ashiahji kivi kupughu shitsu

Akhiphi kichekutsu 14: Aghokulu ye ayezza lakhi shiveakeshea?

Kughou no no atughiu Akhiphi Kichekutsu-u 14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishékha mphí zuwuno akíphi phíjúlou. Khókichíle kumtsu akíphi kichékutsu lono íthulunani. Chejuno achípiu khókichíle lo sútsulo. **Akíkíhi parentheses lo píyepuakeu (1) no khókichíle achípiu ke.**

Form típau píchiveníkeu ghenguno kímíye pu “*Adobe Reader*” peithalo.

1) Baibel no akithi (death) pesu (1)

Zu akeu kígítsu ani
Akuxu ghola kutaúlo kílí ílovekeu kígítsu ani
Hepho píyesutsu akeu kumlápu túqhou kígítsu ani(2)

2) Thivekelo aghungu (spirit) Alhou lau idewovekeu pesu (1)

Tímí lakhí lolo kuchou áchekeu kígítsu ani
Aghungu (soul) kígítsu ani
Akuxupu túthu kígítsu ani.

3) Timi lakhi no thive aye paye (1)

Amíyízu lo ílove chení momu kungughá lo wúve chení
Akumókí lo qhívechení
Angulho shíkímíthekeu-a (purgatory) lo qhíve chení

4) Soul lakhi ye (1)

Lúthu lakhí ghungu lo kúxu lhoayeh ke
Lúthu lakhí lau thíkhamono ákeu sáje hamíke
Akuxu ku-a lhoxu lakhí ke.

5) Soul ipikeu ye thive chenikeshea? (1)

lye Moe

6) Amikuchomíqo ye kughouno asaxu tsunaníkeá? (1)

Hípaú kúxu lono tsunaní
Thíveke thíuno tsunaní
Khristo no íde íghíkelono tsunaní

7) Satan ye kiu ghenguno kithimi ye thichemoe ípi tímíqo píshíqíhi ácheníkeá? (1)

Pano akíchíqíhíkepu kumla shíkeu panonguno pulúve keu lono panongu píshíqíhíluve chení
Panongu ghenguno paye amulo kusashíve
Qetí paye ayíkúsamí lakhíke

8) Luthu lakhino kithimi sasú kusutsakeu ye (1)

Thívechemokeu ghunguqo sasú kusutsa cheníke
Akímíthemí kungumíqo sasú kúpútsa aníke
Alhókusa ghunguqono kithímí kímíhíshí íghíkeu sasú kúpútsa aníke.

9) Muse ghulokílo Alhou no ahza tsukeuye kithímí ye xu aníke ípi kútsu cheghí kímí ye (1)

Pesú Achínemí shíve tsulo ípi
Panongu lokútsu ghenguno gíhu lo ípi
Ghíqhíve lo ípi.

10) Timi lakhi ye kishieno paye achípi shí aníke xalunani ípílunaníkeá? (1)

Alhou vílo kungughá láuno amíchípu lakhí khululo
Akukútsumíno momu Achínemíno shílopíkeu shí áye xalunani
Akíghíní ghólo kútokupuí keu lono Baíbel phí eno pápe áye xalunani

11) Timi lakhino thive aye (1)

Pa ghungu ye xu acheni
 Paye kuxumiqo ghenguno kumsuju acheni
 eno panongu sasusutsa acheni
 Paye alaghi kumtsu lo-aphimpi ghi
 thivea, soul ghi thivea, eno kuxumi ghi sasusutsalumovea.

12) Amichipu kumlaqo shi akeu phujukelo hamiye Alhou launo keshea? (1)

Iye Alhou lakhino amichipu kumlaqo shilunani
 Moe. Satan ghi amichipu kumlaqo shilunani

13) Akiphi hipau phikeu lono Baibel lo kuchouqo ghili ithilupeke ghenguno Baibel kuphumiqo shikimithinishi ani Iye. Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :	<input type="text"/>			
Owu Email :	<input type="text"/>			
Thepiu kikihi :	<input type="text"/>			
Okungo-a :	<input type="text"/>			
Aphugui, District :	State :	Aghaqhu :	<input type="text"/>	
Pin :	Apunu mpe amqo:	Gender :	<input type="text"/>	

Anile shi no kusutsa nikeu tipau tsulou